



Broj: 03-16-8-1468-6-6/16
Sarajevo, 16.11.2016.

Na osnovu čl. 69. stav (2) tačka d) i 70. st. (1), (2), (4) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na prijedlog Komisije za nabavke iz Zapisnika o pregledu i ocjeni ponuda, broj: 03-16-8-1468-6-5/16, od 14.11.2016. u postupku nabavke specijalne opreme za pohranjivanje tajnih podataka u okviru sigurnosnog područja u Parlamentarnoj skupštini Bosne i Hercegovine, Kolegij Sekretarijata Parlamentarne skupštine Bosne i Hercegovine, donosi

ODLUKU O PONIŠTENJU POSTUPKA NABAVKE

I.

Prihvata se prijedlog Komisije za nabavke iz Zapisnika o pregledu i ocjeni ponuda, broj: 03-16-8-1468-6-5/16, od 14.11.2016. i poništava se postupak nabavke specijalne opreme za pohranjivanje tajnih podataka u okviru sigurnosnog područja u Parlamentarnoj skupštini Bosne i Hercegovine proveden putem konkurentskog zahtjeva za dostavu ponuda, Obavještenje o nabavci, broj: 166-7-1-34-3-24/16, od 28.10.2016. iz razloga člana 69. stav (2) tačka d) Zakona o javnim nabavkama, jer nijedna od primljenih ponuda nije prihvatljiva.

II.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno čl. 70. stav (6) i 71. stav (2) Zakona o javnim nabavkama.

III.

Ova Odluka stupa na snagu danom donošenja.

Obrazloženje

Postupak nabavke specijalne opreme za pohranjivanje tajnih podataka u okviru sigurnosnog područja u Parlamentarnoj skupštini Bosne i Hercegovine pokrenut je Odlukom o pokretanju postupka javne nabavke, broj: 03-16-8-1468-6/16, od 18.10.2016. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke iznosi 11.000,00 KM sa uračunatim PDV-om. Komisija za nabavke imenovana je Odlukom Kolegija Sekretarijata broj: 03-16-8-1451/16, od 18.5.2016. Obavještenje o nabavci broj: 166-7-1-34-3-24/16 objavljeno je na Portalu javnih nabavki 28.10.2016. kao i Tenderska dokumentacija za konkurentski zahtjev za dostavu ponuda, broj: 03-16-8-1468-6-2/16, od 28.10.2016., a istovremeno je upućen poziv za preuzimanje tenderske dokumentacije sa Portala na adrese tri ponuđača i to: Primat d.o.o. Sarajevo, Prim Invest d.o.o. i R&S d.o.o. Sarajevo. Tendersku dokumentaciju sa Portala javnih nabavki preuzelo je ukupno 12 ponuđača. Do termina zakazanog za predaju ponuda odnosno do 11.11.2016. do 11,00 sati pristigla je jedna ponuda ponuđača Salon bankarske opreme d.o.o. Sarajevo. Komisija za nabavke je izvršila javno otvaranje ponuda pri čemu je sastavljen Zapisnik o zaprimanju ponuda, broj: 03-16-8-1468-6-3/16, od 11.11.2016. i Zapisnik o otvaranju ponuda od 11.11.2016., koji su uredno dostavljeni jedinom ponuđaču. Po završenoj evaluaciji, sačinjen je Zapisnik o pregledu i ocjeni ponuda, broj: 03-16-8-1468-6-5/16, od 14.11.2016. u kojem

je konstatovano da Ponuda ponuđača Salon bankarske opreme d.o.o. Sarajevo, broj: 1111/PS/2016, od 11.11.2016. nije prihvatljiva za ugovorni organ jer ne sadrži Obrazac za cijenu ponude što je suprotno članu 9. stav (2) tačka f) Uputstva za pripremu modela tenderske dokumentacije i ponuda ("Službeni glasnik BiH", br. 90/14 i 20/15) i tački 4.2. Tenderske dokumentacije – Sadržaj ponude, a nije potpun ni dokaz za zadati uslov iz tehničke i profesionalne sposobnosti iz člana 49. Zakona o javnim nabavkama u pogledu dostavljanja kataloga ili fotografija robe, jer ne sadrži fotografiju za ponudenu robu pod rednim brojem 4. – metalni pretinac za odlaganje naoružanja model SBO 20/1. Također Nacrt ugovora kao sastavni dio Ponude je dostavljen kao nepopunjen u većem dijelu teksta iako je Tenderskom dokumentacijom Ugovornog organa zahtijevano njegovo popunjavanje. Zbog činjenice da je u postupku nabavke ponudu dostavio samo ponuđač „Salon bankarske opreme“ d.o.o. Sarajevo, te da je njegova ponuda neprihvatljiva za ugovorni organ, Komisija nije provodila fazu vrednovanja i rangiranja prihvatljivih ponuda, pa je Kolegiju Sekretarijata Parlamentarne skupštine BiH predložila da se postupak nabavke specijalne opreme za pohranjivanje tajnih podataka u okviru sigurnosnog područja u Parlamentarnoj skupštini BiH okonča donošenjem Odluke o poništenju postupka nabavke iz razloga člana 69. stav (2) tačka d) Zakona o javnim nabavkama, jer nijedna od primljenih ponuda nije prihvatljiva. Kolegij Sekretarijata Parlamentarne skupštine Bosne i Hercegovine prihvatio je prijedlog Komisije za nabavke o poništenju postupka nabavke, te odlučio kao u dispozitivu ove odluke.

Pravna pouka:

Protiv ove odluke može se izjaviti žalba Ugovornom organu u pisanoj formi direktno ili preporučenom poštanskom pošiljkom u roku od 5 (pet) dana od dana prijema ove odluke u dovoljnom broju primjeraka, koji ne može biti manji od 3 (tri).

Dostavljeno:

- Salon bankarske opreme d.o.o. Džemala Bijedića 18, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____